

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ Մ Ա Ն

_____ 2009 թվականի N____-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2008 ԹՎԱԿԱՆԻ
ՆՈՅՆԵՄԲԵՐԻ 20-Ի N° 1405-Ն ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Ղեկավարվելով «Իրավական ակտերի մասին» Հայաստանի Հանրապետության օրենքի 70-րդ հոդվածի 5-րդ կետով, «Հասարակության և պետության կարիքների համար սեփականության օտարման մասին» Հայաստանի Հանրապետության օրենքի 7-րդ հոդվածի 3-րդ կետով և հաշվի առնելով բացառիկ՝ գերակա հանրային շահ ճանաչված տարածքներում իրավատեր քաղաքացիների և իրավաբանական անձանց գույքային խնդիրներին ամբողջական լուծում տալու նպատակը՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2008 թվականի նոյեմբերի 20-ի «Երևան քաղաքի վարչական սահմաններում որոշ տարածքներում բացառիկ՝ գերակա հանրային շահ ճանաչելու մասին» N° 1405-Ն որոշման 2-րդ կետի 2-րդ ենթակետը «2010 թվականի հունվարի 1-ն է» բառերից հետո լրացնել. «բացառությամբ սույն որոշման հավելվածի 2-րդ, 3-րդ, 4-րդ, 8-րդ, 10-րդ, 18-րդ, 19-րդ, 20-րդ և 21-րդ կետերում նշված տարածքների, որտեղ սեփականության օտարման գործընթացն սկսելու վերջնական ժամկետը 2010 թվականի ապրիլի 1-ն է» բառերով :

2. Լիազորել Երևանի քաղաքապետին Հայաստանի Հանրապետության անունից Հայաստանի Հանրապետության կառավարության 2008 թվականի նոյեմբերի 20-ի «Երևան քաղաքի վարչական սահմաններում որոշ տարածքներում բացառիկ՝ գերակա հանրային շահ ճանաչելու մասին» N° 1405-Ն որոշման հավելվածի ցանկի 2-րդ, 3-րդ, 4-րդ, 8-րդ, 10-րդ, 18-րդ, 19-րդ, 20-րդ և 21-րդ կետերում նշված ձեռք բերողների հետ կնքած պայմանագրերը համապատասխանեցնել սույն որոշման պահանջներին:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից :

Գ. ԲԵԳԼԱՐՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2008 ԹՎԱԿԱՆԻ
ՆՈՅՆԵՄԲԵՐԻ 20-Ի N° 1405-Ն ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ՄԱՍԻՆ»
Հայաստանի Հանրապետության կառավարության որոշման

Համաձայն «Հասարակության և պետության կարիքների համար սեփականության օտարման մասին» ՀՀ օրենքի 10-րդ հոդվածի 1-ին կետի «Ձեռքբերողը պարտավոր է մինչև բացառիկ՝ գերակա հանրային շահ ճանաչելու մասին կառավարության որոշմամբ սահմանված սեփականության օտարման գործընթացն սկսելու վերջնական ժամկետից օտարվող սեփականության սեփականատերերին և օտարվող սեփականության նկատմամբ գույքային իրավունքներ ունեցողներին պատշաճ ձևով ուղարկել սեփականության օտարման պայմանագրի (այսուհետ՝ օտարման պայմանագիր) նախագիծը»:

«Երևան քաղաքում իրավունք հաստատող փաստաթղթերը չպահպանված անհատական բնակելի տների կարգավիճակի մասին» 2008 թվականի հունիսի 10-ի ՀՕ-117-Ն օրենքի և Հայաստանի Հանրապետության կառավարության 2007 թվականի դեկտեմբերի 20-ի «Հայաստանի Հանրապետության Երևանի քաղաքապետին գույք օտարելու թույլտվություն տալու մասին» թիվ 1529-Ա որոշման համաձայն թույլատրվել է Երևանի քաղաքապետին Երևան քաղաքի վարչական տարածքում մինչև 2001 թվականի մայիսի 15-ը կառուցված և նշված օրենքի ուժի մեջ մտնելու պահին առկա (ներառյալ՝ բացառիկ գերակա հանրային շահ ճանաչված տարածքներում) այն անհատական բնակելի տները և դրանց կից բնակելի նշանակության օժանդակ շինությունները, դրանց կառուցման և սպասարկման համար փաստացի առկա սահմանագատված հողամասերը, որոնց նկատմամբ չեն պահպանվել սահմանված կարգով տրամադրված քաղաքաշինական գործունեություն իրականացնելու փաստաթղթերը և (կամ) հողհատկացման հիմքերը անհատույց օտարել այն ֆիզիկական անձի (անձանց, ով (ովքեր) տիրապետում է (են) այդ գույքը՝ որպես սեփական գույք, ինչպես նաև սահմանված կարգով հասարակության և պետության կարիքների համար սեփականության օտարման ենթակա տարածքներում սեփականության իրավունքով քաղաքացիներին պատկանող անհատական բնակելի տներին կից, մինչև 2001 թվականի մայիսի 15-ը զավթած պետական սեփականություն հանդիսացող հողամասերի և (կամ) զավթած հողամասերի վրա ինքնակամ կառույցներն օտարել այդ քաղաքացիներին:

ՀՀ Կառավարության 20.11.2008թ. հ. 1405-Ն որոշման հավելվածի 2-րդ, 3-րդ, 4-րդ, 8-րդ, 10-րդ, 18-րդ, 19-րդ, 20-րդ և 21-րդ կետերում նշված՝ գերակա հանրային շահ ճանաչված տարածքների ձեռքբերողները բավականին ներդրումներ են կատարել նշված տարածքներում քաղաքաշինական ծրագրերի իրականացման նպատակով, մասնակի իրացում են իրականացրել և պայմանավորված վերը նշված հանգամանքով մինչև 2010 թվականի հունվարի 1-ը օտարման գործընթացը հնարավոր չի եղել ավարտել, քանի որ «Երևան քաղաքում իրավունք հաստատող փաստաթղթերը չպահպանված անհատական բնակելի տների կարգավիճակի մասին» ՀՀ օրենքի և ՀՀ կառավարության 20.12.2007թ. հ. 1529-Ա որոշմամբ ստեղծված հանձնաժողովի աշխատանքների արդյունքում առաջանում են նոր գույքային միավորներ, որի հետևանքով անհնար է դառնում գնահատել անշարժ գույքը և պատշաճ ձևով ներկայացնել օտարման պայմանագրի նախագիծ:

Հիմք ընդունելով վերը նշվածը և հաշվի առնելով, նշված տարածքում իրավատեր քաղաքացիների և իրավաբանական անձանց խնդիրներին ամբողջական լուծում տալու նպատակը, առաջարկվում է ՀՀ Կառավարության 2008 թվականի նոյեմբերի 20-ի հ. 1405-Ն որոշման 2-րդ կետի 2-րդ ենթակետում կատարել լրացում և նշված ենթակետով սահմանված օտարման գործընթացը սկսելու վերջնաժամկետ, նույն որոշման հավելված 2-րդ, 3-րդ, 4-րդ, 8-րդ, 10-րդ, 18-րդ, 19-րդ, 20-րդ և 21-րդ կետերում նշված տարածքների համար սահմանել 2010թ. ապրիլի 1-ը:

